



REPUBLIKA E SHQIPËRISË

MINISTRIA E ARSIMIT DHE SPORTIT
MINISTRI

Nr.....prot.....

8083/1

Data 29/12/2023

URDHËR

Nr. 705 , datë 29 / 12 2023

PËR

SHPLLJEN E THIRRJES SË PARË PËR FINANCIMIN E PROJEKTEVE NGA PROGRAMET “ARSIMI BAZË”, “ARSIMI I MESËM” DHE PROGRAMI “PËR SPORTIN”, PJESË E PROGRAMIT PËR INFRASTRUKTURËN SHKOLLORE E SPORTIVE PËR PROJEKTET ME CIKËL FINANCIMI 2024-2025.

Në mbështetje të nenit 102 të Kushtetutës, të nenit 15, të ligjit nr.115 datë 25.11.2021 “Për buxhetin e vitit 2024”, të ligjit nr.97/2023 “Për buxhetin e vitit 2024”, si dhe Udhëzimit. Nr.9 datë 27/04/2022 “Për kriteret, procedurat dhe afatet për shpalljen e thirrjes dhe për dokumentacionin e nevojshëm për aplikim nga njësitë e vetëqeverisjes vendore për financimin/bashkëfinancimin e projekteve për përmirësimin e të infrastrukturës shkollore dhe sportive”,

URDHËROJ:

1. Shpalljen e thirrjes për financimin e projekteve të reja, me cikël financimi 2024-2025, nga fondi i miratuar për vitin 2024 për infrastrukturën shkollore e sportive, në programet buxhetore “Arsimi bazë”, “Arsimi i mesëm” dhe programi “Zhvillimi i Sportit”.
2. Drejtimet e thirrjes për financim:
 - 1) Ndërtimi, rehabilitimi dhe/ose zgjerimi i kapaciteteve të institucioneve/objekteve arsimore ekzistuese në arsimin bazë (kopshte/shkolla), që kanë nevojë për ndërhyrje në infrastrukturën fizike, me qëllim reduktimin/eliminimin e mësimin me turne, përqëndrimin e klasave kolektive, aty ku është e mundur dhe përmirësimin e kushteve të mjediseve arsimore për nxënësit/fëmijët që mësojnë në shkollat 9-vjeçare;
 - 2) Ndërtimi, rehabilitim dhe/ose zgjerimi i kapaciteteve të objekteve arsimore ekzistuese në arsimin e mesëm, të cilat kanë nevojë emergjente për ndërhyrje dhe/ose kanë të domosdoshme ndërhyrjet në infrastrukturën fizike;
 - 3) Rehabilitimi, zgjerimi dhe përmirësimi i kapaciteteve të objekteve sportive në mjediset shkollore apo jashtë tyre si dhe i kapaciteteve në mjediset që shërbejnë si “Qendra

Komunitare” apo multifunktionale, me fokus të veçantë përmirësimin e infrastrukturës sportive të tyre.

3. Vlera e bashkëfinancimit nga aplikanti për çdo projekt, është sipas shtojcës I, bashkëlidhur.
4. Cikli i financimit të projekteve është 2 (dy) vite buxhetore, përkatësisht viti 2024 dhe 2025, në varësi edhe me ecurinë e procedurave të prokurimit dhe zbatimit të projektit nga kontraktorët dhe NJVV-të. Diferenca ndërmjet vlerës së kontratës së nënshkruar (duke hequr pjesën takuese të bashkëfinancimit) dhe financimit që NJVV-të përfitojnë nga MAS në vitin 2024, do të financohet në vitin pasardhës.
5. Njësitë e vetëqeverisjes vendore, të cilat paraqesin më shumë se një aplikim, duhet të rendisin ato sipas prioritetit për financim.
6. Data e shpalljes së thirrjes për aplikim është data e publikimit në web-in e Ministrisë së Arsimit dhe Sportit dhe/ose Agjencinë e Prokurimit Publik.
7. Aplikimi për financimin e projekteve bëhet nga Njësitë e Vetëqeverisjes Vendore (NJVV) sipas shtojcave II e III , bashkëlidhur.
8. MAS do të vlerësojë dhe financojë për projektet me cikël financimi 2024-2025, vetëm aplikimet e njësisë të vetëqeverisjes vendore (NJVV) të cilat nuk kanë përfituar fonde në kuadër të procesit të rindërtimit.
9. Pas përfundimit të procesit të vlerësimit, për të gjithë projektet e shpallur fitues, MAS do të njoftojë zyrtarisht NJVV-të.
10. Ngarkohet Sekretari i Përgjithshëm, Komisioni për shqyrtimin e projekteve, drejtorja e buxhetit dhe menaxhimit financiar për zbatimin e këtij urdhri.

Ky urdhër hyn në fuqi menjëherë dhe botohet në web-in e ministrisë së Arsimit dhe Sportit dhe Agjencinë e Prokurimit Publik.

**MINISTRI**
OGERTA MANASTIRLIU

Shtojcë I: VLERA E BASHKËFINANCIMIT PËR APLIKUESIT

Vlera e bashkëfinancimit për çdo projekt nga NJVV-të, është sa më poshtë:

- a) Për njësitë e vetëqeverisjes vendore (NJVV) me popullsi nën 50 000 (pesëdhjetë mijë) banorë, vlera dysheme e bashkëfinancimit nga ana e NJVV të jetë në masën 15% të vlerës së plotë të projektit, alokuar për vitin korrent ose i përpjestuar për vitin pasues. (nëse projekti zbatohet në dy vite);
- b) Për njësitë e vetëqeverisjes vendore (NJVV) me popullsi mbi 50 000 (pesëdhjetë mijë) banorë, vlera dysheme e bashkëfinancimit nga ana e njësisë së vetëqeverisjes vendore, të jetë në masën 20% të vlerës së plotë të projektit, nga të cilat alokuar 10% për vitin korrent dhe 10% për vitin pasues (nëse projekti zbatohet në dy vite);
- c) Për njësitë e vetëqeverisjes vendore (NJVV) me popullsi mbi 100 000 (njëqind mijë) banorë, vlera dysheme e bashkëfinancimit nga ana NJVV, të jetë në masën 25% të vlerës së plotë të projektit, nga të cilat alokuar 15% për vitin korrent dhe 10% për vitin pasues (nëse projekti zbatohet në dy vite)

Diferenca mes vlerës së projektit me vlerën e kontratës nëse ka një të tillë pas prokurimit publik do ti zbritet financimit me burim fondet e ministrisë përgjegjëse për arsimin, pjesë e fondeve për financimin e infrastrukturës shkollore dhe sportive.

SHËNIM:

Ministria e Arsimit dhe Sportit, bazuar edhe në të dhënat e INSTAT, i kërkon Ministrisë së Brendshme listën (sipas të dhënave të vitit të fundit) të njësive të vetëqeverisjes vendore, me mbi dhe nën 50 000 (pesëdhjetë mijë) banorë, për tu referuar pranë Komisionit në Ministrinë e Arsimit dhe Sportit.

Shtojcë II: KALENDARI ME AFATET E APLIKIMIT DHE VLERËSIMIT TË PROJEKTEVE

Afati	Institucioni përgjegjës	Aktiviteti
Botimi në web-in e MAS dhe/ose “Agjencinë e Prokurimit Publik”	Ministria e Arsimit dhe Sportit	Hapja e thirrjes për projekte të reja sipas drejtimeve të thirrjes, sipas pikës 1 ,2 dhe 3 të këtij udhëzimi.
30 ditë kalendarike nga data e botimit në web e MAS dhe/ose Agjencinë e Prokurimit Publik	Aplikuesit sipas pikës 3, të këtij udhëzimi/NJQV	Dërgimi i aplikimeve nga aplikuesit, si më poshtë vijon: 1. Aplikimi me shkresë zyrtare (postë ose protokollim dorazi), ku dosja e plotë e aplikimit (në format hard-copy si dhe CD) dërgohet pranë Ministrisë së Arsimit dhe Sportit.
15 ditë kalendarike nga afati i mbylljes së aplikimit	Komisioni i MAS	Vlerësimi i projekteve të aplikuara sipas shtojcës III, të këtij vendimi.
	Komisioni i MAS	Komisioni paraqet zyrtarisht pranë kryetarit listën e projekteve që propozohen për financim.

Shtojcë III: FORMATI I APLIKIMIT PËR PROJEKTET

Ky format plotësohet për të gjitha projektet

Aplikuesi (*)	NJVV respektive
Data e aplikimit (*)	Përcaktohet nga NJVV
Titulli i projektit (*)	Titulli i projektit të jetë i njëjtë me titullin që specifikohet në kërkesën e depozituar pranë MAS.
Programi i projektit (*)	Të përcaktohet për cilën drejtim të thirrjes aplikohet (sipas drejtimin të thirrjes së shpallur nga MAS).
Data e fillimit të projektit (*)	Të paraqitet grafiku i prokurimit dhe grafiku i zbatimit të punimeve të projektit, për të qartësuar shtrirjen kohore të tij.
Data e mbarimit të projektit (*)	Të jepet data kur parashikohet të përfundojë projekti
Përshkrimi i projektit (*)	<p>Të bëhet përshkrim i detajuar i projektit të propozuar, duke përmbajtur informacionin e mëposhtëm, por jo vetëm:</p> <ul style="list-style-type: none"> - Vendndodhja e objektit të investimit: specifikuar në hartë ku është sqaruar qartë kufiri i ndërhyrjes; - Përshkrimi i kushteve të objektit ekzistues (nëse ka) dhe terrenit, si dhe nevojës për këtë projekt; - Përshkrimi i detajuar i punimeve/ndërhyrjeve që do të kryhen; - Standardi i aksesueshmërisë për personat me aftësi të kufizuara, në projektim; - Grafiku i prokurimit dhe grafiku i zbatimit të punimeve; - Cilat janë problemet që adreson ky projekt dhe shkalla e ndikimit të tij; - Për shkollat në fshatrat dhe/ose njësitë e qeverisjes vendore nën 50 000 (pesëdhjetë mijë) banorë, aplikuesi paraqet informacion për numrin aktual dhe të pritshëm të nxënësve të shkollës, për të cilat kërkohet bashkëfinancimi, si dhe për shkollat dhe numrin e nxënësve në shkollat që gjenden në një distancë prej 4–5 km nga shkolla që kërkohet bashkëfinancimi, me qëllim optimizimin e mundësisë së investimit, përmes grupimit; - Risqet për zbatimin e tij; - Informacion i qartë në lidhje me pronësinë e tokës (nëse aplikohet), si edhe dokumentacioni përkatës (harta përkatëse kadastrale etj).
Qëllimi dhe objektivat (*)	Të paraqitet qëllimi i përgjithshëm i projektit, si dhe objektivat specifike të tij.
Numri i përfituesve (*)	Të jepet numri i popullsisë (nxënës/mësues/komunitet) që përfitojnë drejtpërdrejt dhe tërthorazi nga zbatimi i projektit. Vlera e dhënë të shoqërohet me shpjegim për secilën kategori përfituesish.

Sipërfaqe e trajtuar (*)	Të specifikohet sa është sipërfaqja e përgjithshme në të cilën ndërhyt projektet dhe nëse zhvillohet me faza apo lote.
Rendi prioritar (*)	Në rastet e aplikimit të më shumë se 1 (një) projekti për të njëjtin program, renditini projektet sipas prioritetit/nevojës për ndërhyrje /lidhjes me drejtimet e thirrjes (numri 1 për shumë prioritar, numri 2 për më pak prioritar, e kështu me radhë).
Qëndrueshmëria e projektit (*)	Të përshkruhet në mënyrë analitike nëse aplikuesi do të ketë nga ky projekt: - Kosto për mirëmbajtjen e projektit, pas zbatimit të tij; - Nëse po, specifikoni sa parashikohen, si do të sigurohen etj; - Të specifikohet periudha në vite për kostot e mirëmbajtjes.
Fondet e kërkuara nga MAS(*)	Në rast se projekti nuk ka financim nga donatorë, kostoja/fondi që kërkohet është e barabartë me koston totale të projektit (në çdo rast, vlera të jetë me TVSH) minus vlerën dysheme të detyrueshme të bashkëfinancimit nga njësia e qeverisjes vendore, sipas shtojcës I të këtij udhëzimi.
Kontributi i detyrueshëm në bashkëfinancim nga njësia e qeverisjes vendore (*)	Aplikuesi e shoqëron aplikimin me një shkresë zyrtare, të nënshkruar nga kryetari i bashkisë, ku merr përsipër së paku vlerën dysheme të bashkëfinancimit për këtë aplikim, të përcaktuar në shtojcën I të këtij udhëzimi. Aplikuesi mund të bashkëfinancojë një vlerë me të madhe sesa vlera dysheme, nëse e shikon të mundur. Marrja përsipër e bashkëfinancimit nga aplikuesi, në, minimumi, vlerën dysheme të tij të përcaktuar në shtojcën I, të këtij udhëzimi dhe paraqitja e shkresës që e konfirmon këtë është kusht detyrues për kalimin në fazën e vlerësimit të aplikimit dhe për (potencialisht) miratimin e financimit.
Financim nga donatorë (*)	Nëse ka financim nga donatorë, të jepet vlera e pritshme e donacionit në monedhën lekë.
Financime të tjera	Nëse ka burime të tjera financimi, të jepet vlera e financimit në monedhën lekë.
Kostoja totale e projektit (*)	Kostoja totale e projektit të jepet me TVSH.
Projekti ka një analizë kosto-përfitim të cilësisë së mirë (Opsionale)	<input type="checkbox"/> Po / <input type="checkbox"/> Jo
Përmbledhje e analizës kosto-përfitim	Të paraqitet një përmbledhje e shkurtër e analizës kosto-përfitim, nëse ka një të tillë.
Projekti ka një vlerësim të ndikimit në mjedis të cilësisë së mirë (Opsionale)	<input type="checkbox"/> Po / <input type="checkbox"/> Jo
Përmbledhje e vlerësimit të ndikimit në mjedis	Të paraqitet një përmbledhje e shkurtër e vlerësimit të ndikimit në mjedis, nëse ka një të tillë.

Deklarime (*)	Aplikuesi deklaron se: i. Projekti është gati për zbatim (pra, nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimin e punimeve. ii. Projekti është në listën e projekteve/nevojave të parashikuara nga institucioni përkatës, është pjesë e planeve vendore të zhvillimit dhe/ose të prioriteteve. iii. Me miratimin e financimit, autoriteti kontraktues ka siguruar/siguron pajisjen me të gjitha lejetimet e nevojshme për zbatimin e projektit, sipas legjislacionit të fuqi. iv. Janë zbatuar çmimet e referencës dhe legjislacioni në fuqi për përllogaritjen e kostos dhe vlerës financiare të projektit.
Dokumentet teknike (*)	Të sqarohet nëse dosja e aplikimit përmban: - projektin teknik/projektin e zbatimit; - preventivin; - grafikun e prokurimit dhe grafikun e zbatimit të punimeve; - relacionin teknik; - specifikimet teknike; - CD; - përllogaritjet/parashikimin e kostove të mirëmbajtjes së investimit.
Foto – Gjendja ekzistuese (*)	Imazhe në formatin jpeg ose .pdf
Pamje 3 Dimensionale (*) i detyrueshem	Imazhe në formatin jpeg ose .pdf

(*) Fushat që kanë * janë të detyrueshme për t'u plotësuar.

Shënim: Dërgimi i aplikimeve, sipas afatit:

1. Aplikimet për projekte duhet të dërgohen me shkresë zyrtare (postë ose protokollim dorazi), së bashku me dosjen e plotë të aplikimit në format hard copy dhe CD, pranë Ministrisë së Arsimit dhe Sportit.
2. Formatin e aplikimit duhet të dorëzohet i firmosur dhe i vulosur nga institucioni/subjekti aplikues.
3. Dokumentacioni teknik i dorëzuar duhet të jetë detyrueshem i firmosur dhe i vulosur nga autorët përkatës.
4. Nëse aplikuesi nuk merr përsipër vlerën dysHEME të bashkëfinancimit të përcaktuar sipas shtojcës I, të këtij urdhëri, atëherë aplikimi nuk kalon në fazën e vlerësimit.